



ESTD 18th Nov., 1990

Chawlhni Eng

Since April 8 1990

Volume 37 Issue No. 11

An Organ of Republic Vengthlang Branch KTP

15th March, 2026

KOHRAN

- R. Lalrohlua

Matthaia 16:18 Tin, nang Petera i ni tih ka hrilh bawka che, he lungpui chungah hian KA KOHRAN ho ka rem chho ang a, mitthi khaw kulh kawng kharte chuan chu an ngam lovang.

Tirhkohte 20:28 Pathian Kohhran ho Ama thisen a lei te, Bible mithiamte chuan Thuthlung hun ah pawh Kohhran ruangam, hlimthla ho hi a lo awm tawh a ni an ti. (Ex- 12:16, Num 14:5, Jer 26:17) Israel fate eng emaw ti tura koh khawm, Pungkhawm sawi nan Hebrai tawng Qahal, Edah, tih hman a ni a. Hebrai tawng a Edah tih hi Greek tawngin Sunagogue tiin lehlin a ni a, Qahal tihchu Ekklesia tia lehlin a ni. Mizo tawng Bible bu thenkhat lehlin hmasak ah kohhran tih hi Ekklesia tiin dah a ni a, tun hnuah Kohhran tia lehlin a ni. Isua Krista thisen a leite, Isua Krista zara Pathian ngaihdamna chang tute, tho leh Isua ringtu pawlho, a chhandamna famkim chawngura a kohhran ho etc. tihna a ni. A huhova Pathian be tur leh rawngbawl tura kalkhawm chuan pawl hming (Denomination) a lo nei ta a ni. (Presbyterian, Baptist, Salvation Army).

Kohhran chu engtik atanga lo awm tan nge tih hi Bible mithiamte ngaihdan a inchen lo, thenkhatin Lal Isuan a zirtirte a koh hran atanga lo in tan a ni an ti a. Thenkhatin Pentikos ni atanga lo intan a ni ti pawl an awm bawka, a aia ril deuh duhin, Israel fate Aigupta ram an awm, Mosiah hmanga a chhanchhuah kha Kohhran lo intanna a ni ti pawl an awm bawka, thenkhatin, Abrahamah koh a nih atang khan kohhran a intan a ni ti pawl an awm bawka. Thenkhatin Evi leh Adama siam an nih atang khan Kohhran chu a lo intan tawh a ni ti pawl an awm bawka ni. Presbyterian kohhran thurin siam chhuaktu John Calvin a chuan Pathianin leilung luah tura mihring a siam ni atang khan Kohhran awmlah lai a awm lo, Kohhran chu ringtute nu neihchhun a ni alo ti hial a ni. Cyprian a chuan Kohhran pawnah chhandamna a awmla ati a Bible mi thiam hmingthang Karl Barch-a te, Paul Tillich-a te pawhin Kohhran hlutzia hi an hrechiang hle a ni.

AD 325, May ni 20 ah Lalber Constantine-an Nicea khuaah inkhawmpui a kova, Nicea thurinah Kohhran nihna zepui kawng li in a sawi a ni. Chungte chu:-1) Pakhat a ni. 2) A thianghlim a ni. 3) Huapzo (Catholic) a ni. 4) Apostolic a ni. Apostolic tih hi Apostle tih atanga lak a ni a, adjective form-a dah a nih avangin 'Tirh' tiin a awmzia a sawi theih.

Kohhran chungchang Bible in a sawi dan thenkhat te - 1) Pathian Kohhran, Isua Krista Kohhran 2) Krista Taksa (Body of Christ) 3. Krista mo (Bride of Christ) 4) Israel thar 5) Pathian In /Thlarau Thianghlim In 6) Pathian mi thlan 7) Thutak ban leh inngahna 8) Jerusalem Thar

Thuthlung thar hunah Lal Isua thihna leh thawhleha zarah Israel mite chauh nilovin, khawvel mi zawng zawng Huapzo (Catholic) Kohhran a lo ding ta a. Tirhkohte thiltih bu ah Kohhran intan dan leh a darh zau zel dan kan hmu a, Bung 1-5 ah Juda te hnena chanchintha hril thu kan hmu a, Bung 6-12 ah Samari mite leh Jentailte hnena Pathian ram thlen thu kan hmu leh a, Bung 3-28 ah Juda ten chanchintha an awih duhloh thu leh Kristian te an tihduhdah avanga Kristian Missionary ten Antiokei khua atanga Rome khaw thlenga chanchintha an hrilh darh thu kan hmu a ni. Asia leh Africa ramah pawh chanchintha puan darh ve zel a, Bung 8-ah Ethiopia mi tilreh Baptistma chan

(Phek lehlahmah chhunzawmna...)

KOHRAN HUNRUAT

Inkhawm Hruaitu

Ni 16-31.03.2026 : Upa H. Zasiama

15 March : Pathianni

Chawhma

Tantu : Pi Chawngkhumi
Zirlai : Isua leh ram rorelna

Chawhnu

Tantu : Pu C. Lalbiaksanga
Thuhriltu : Nl. C. Vanlalzawmi
Thupui : Buh seng tur a tam hle si

Zan

Thuhriltu : Upa H. Lalthankhuma
Thupui : Tib makmawh - Chanchin Tha hril

Zaipawl : Kohhran Zaipawl

Inkhawm ban Lengkhawm

Hruaitu : Pu PC Lalhuna

18 March : Nilaini Zan

Tantu : Pi J. Lalbiakchhungi
T. Hawngtu : Pu R.L. Luahkima
Thupui : Zosaphluia blate

21 March : Inrinni Zan

Tantu : Pu H. Lalduhawma
Thuhriltu : Nl. K. Lalduhawmi
Tawngtai rual leh thubril

KRISTIAN THALAI PAWL

Thawhtanni zan (Ni 16.03.2026)

SPORT OPENING

A hmun : Kohhran Hall
(Programme phekk hnungah tarlan a ni)

KOHRAN HMEICHHIA

Thawhlehi zan (Ni 17.03.2026)

Hruaitu : Pi Lalhmingmawii
Tantu : Pi Lahlimpuii (9)
Thuhriltu : Pi Lalremmawii
Thawhblawm Ip hlan a ni ang.

KOHRAN PAVALAI PAWL

Ningani zan (Ni 19.03.2026)

Hruaitu : Pu R. Lalthangzama
Tantu : Pu Ramchullova Varte
Thuhriltu : Pu H. Lalhmingliana

ZING TAWNGTAI INKHAWM HRUAITUTE

(Ni 16.03.2026 - 22.03.2026)

Tan hun : Zing dar 6:00 AM

Thawhtanni : Upa F. Lalfakzuala
Thawhlehi : Pi Lalruatkimi
Nilaini : Dr. Lalrinsiam
Ningani : Pi Zonunsangi
Zirtawpni : Pu R. Lalrinawma
Inrinni : Dr. Lalropuii
Pathianni : Pu Lalpanliana

Editorial Board

Editor	: Pu John Lalhmingmawia	9862532203
Jt. Editor	: Nl. H. Lalmangaihi	8575277103
	Tv. Zakaria VL Tanpuia	7085207763
	Nl. Liansangkimi	8794553513
News Editors	: Tv. Stephen Lalbuatsaiha	8447942497
	Pu Lalruatsanga	8414011297
	Tv. Ramengmawia	9643380080
	Dr. Joel Laltlanchhuaha	9862932530
Manager	: Nl. R. Lalfakzuali	9612603280
Cir. Managers	: Tv. Lalrinsiana	8259888961
	Tv. Lalropuia	8730895191
	Tv. F. Lallianzuala	9366269852

Kohhran website : www.rvtkohhran.com

(Sermon *chhonzawmna...*)

thu kan hmu bawk a ni. Africa Khawmualpuia chanchin^h ha thlenna hmasa ber chu Aigupta ram a ni , Aigupta rama kohhran phuntu Marka chuan Alexandria khuah chanchin^h tha a hril hmasa ber a ni. Alaxandria khuah hian AD 180 vel khan Pantaenus-a chuan Bible School a din a, a thih hnuah Clement-a leh Origen-a ten an enkawl a ni. Apollova pawh hi he School atanga zirchhuak nia ngaih a ni.

Kum zabi 18 khan England ramah harhna ropui tak (Methodist harhna) an tih chu a thleng a, he harhna a an hruaitu te chu John Wesley-a leh George Whitefield-a te an ni. England rama harhna chuan Wales ram pawh nasa takin a kangkai a, Wales ram harhna a an hruaitute leh Whitefield-a chu an thawk ho a, Whitefield-a leh amah zuitute chu Welsh Calvinistic Methodist tih an ni a, John Calvin-a kutchhuak Kohhran inrelbawl na zawmtu Presbyterian Kohhran ho anga an in relbawl avangin Presbyterian of Wales tih an ni bawk. Welsh Calvinistic Methodist Kohhran chuan Missionary hmasa ber Thomas Jones-a chuan India hmarchhak (Assam) Khasi ram, Cherrapunjee chu kum 1481 ah a thleng a ni.

Khasi rama Welsh Missionary William Williams-an March 15,1891 (Chanchin tha thlenni) a Aizawl a tlawh report atangin Welsh Prebyterian Kohhran chuan Mizoram a thawh a William Williams a chu tirh an tum a, Mahse a thi ta thut a, midang an tirh theih hmian Arthington Mission tirh J.H Lorraine (Pu Buanga) leh F.W Savidge (Sap Upa) te chuan January 11, 1894 (Presbyterian Kohhran din tan kum) khan Mizoram an lo thleng a ni. Kum li dawn an thawh hnuah an haw a tul tak avangin, Welsh Mission Board chuan Mizorama thawk turin D.E Jones (Zosaphluia) an tir a, Kum 1897 August 31 ah Aizawl a lo thleng a, a kum leh 1898 ah Zosaphara (Edwin Rowland)-an a rawn zawm a, School te hawngin, thahnem ngai takin an thawk a, kum 1899 June 25 khan Mizo ringthar hmasa ber Khuma leh Khara ten Baptisma an chang a ni. Kum 1903 ah Mizoram chhim lam chu Baptist Mission hnuaiyah dah a ni a, an Missionary a tan Pu Buanga te thiandun kha an lo chhuak leh a, an pahnih chuan chhim lam chu an bial ta a, Welsh Mission chuan Mizoram Hmar lam an bial ta a ni. Hemi kum hian Mizo Tirhkoh tirhchhuah tan a ni a, ringthar an pung zel a, 1906 ah harhna a lo thleng a kum 1913 October ah Mizo Pastor hmasa ber Chhuankhama nemngheh a ni a, a kum leh 1904 ah Pastor pali nemngheh leh a ni.

Tichuan Mizoram khaw hrang hrang, veng hrang hrangah Kohhran alo piang zel a. Republic Vengthlang Kohhran pawh Republic Veng Kohhran atangin 1990 November 18 ah a lo indang ta a ni. Kohhran a chuan Krista Isua ngei chu a kil a lung pawimawh ber a ni a, Kohhran lu a ni a, kohhran chu a taksa a ni. Amah ah

chuan lungrem hrang theuh te, Pavalai, KTP, Kohhran Hmeichhia te rem taka chuktuah khawm kan ni a, Isuan min hmangaih angin in hmangaih ila, rinna kawngah te, zirtirna kawngah te, thuawihnaah te, Krista anna kawngah te thanglian zel tur leh inti sawt tawn tura Krista Isuaa remkhawm chu kan ni a, chu Kohhran ah chuan nang leh kei kan ni a, tumah fel famkim kan la awm lo. Lal Isuan he khawvel mi ni tawhlo tur leh Ama mi, a chanchin tha hril tura a koh, a chhandamna famkim chang tura a kohhran te kan ni a, chatuan nunna chang ngei turin, rinna intihsiak tha chu i bei zel ang u.

Lalpa'n a thu malsawm rawh se.

SPORTS OPENING

A Hun	: 16 th March, 2026 (Thawhtanni) Zan
A Hmun	: Kohhran Hall
Hruaitu	: Tv. Othniel Rohlupuaia, Chairman Sport Sub Committee
Hunserh & Sport Hawna	: Pu PC Zosangliana, Branch Leader
Oath Taking	: Tv. Henry K. Malsawmtluanga, Secy. Sport Sub Committee

ITEMS :

- 1. Chana Inhharsiak :** Member pumhuap (2 mins)
Incharge : SSC OB
- 2. Sport tura insawmna reels insiamsiak:**
Rules : 30 seconds, Portrait frame, phone-a lak, phone a siam (edit), AI hman loh ni se.
Incharge : SSC OB
Endiktu : Branch OB
- 3. Corn Hole :** Mipa 5, Hmeichhia 5
Incharge : Pu C. Lalchhanhima & Nl. Lalremruati
Vawithum theuh theh tur a ni a, lut hnem ber pakhatna anni ang a, in draw an awm chuan point in ang pek an ni ang.
- 4. Ring Race :** Mipa 5, Hmeichhia 5 (Mix)
Incharge : Nl. H. Zairemtluangi
Mipa leh hmeichhia inkarthlak a inkaih tur a ni a, inkaihna thlah an awm chuan a bul atangin tih that leh tur a ni. Ring tichhuak hmasa ber pakhatna an ni ang.
- 5. Biggest Looser:** Mi 5 (Open)
Incharge : SSC OB
Mimal leh Group angin inel a ni ang.
Opening leh Closing ah inbuk a ni ang a, closing a kallo chu opening a a weight rin tur a ni ang.
Kg zat hi puan loh tur a ni a, weight lost zat chauh puan tur a ni.
- 6. Group Inbuk:** Group member kal zawng zawng
Incharge : SSC OB
Inbukna hi pali hman tur a ni a, Group OB ten an pawt ang.
- 7. Dart Throw :** Mipa 5, Hmeichhia 5
Incharge : Tv. C. Lalremsiana & Nl. R. Lalruatsangi
Vawi thum theuh theh tur a ni a, a point hmu tam ber pakhatna an ni ang.
- 8. Stack The Box :** Mipa 5, Hmeichhia 5 (Mix)
Incharge : Nl. H. Lalmangaihi &
Tv. David V. Lalengmawia.

Box hi vawikhat theuh theh tur a ni a, theh fuh ngei ngei tur a ni a, a chher chhuan sang ber pakhatna an ni ang.

Group kalthatah inelna neih a ni dawn a, member zawng zawngte thahnemngai taka tel theuh turin kan in sawm e.

**CHANCHIN THA THLENNI PUAL:
MARCH NI 15 HMAN TAN A NIH DAN KHA**

- Rev Zonunsanga. Tuipuibari

Rev. William Williams-a hi March 15, 1891-ah a lo thleng a. Rev. J.H. Lorrain (Pu Buanga) leh Rev. F.W. Savidge (Sap Upa) te erawh January 11, 1894-ah Mizoram an lo thleng thung. Anni aiin kum thum laiin a lo thleng hmasa a.

Kum 1887-ah Brecknockshire biala Brecon khuaa Trecastell-ah Pastor atan an nemnghet a. Wales ram chhim tawp, East Glamorgan biala Llanillyd khuaah Pastor-in a thawk a. Kum khat dawn Pastor hna a thawh hnuah missionary-ah inpein Welsh Calvinistic Methodist Foreign Mission hmunpui Liverpool atangin kum 1887, September ni 28-ah Khasi rama missionary ni turin lawngin an chhuak ta a ni.

Rev. William Williams-a kha Khasi ram Shella; a thawh mekna atanga Mizoram hi lo lut a ni a. A lo kalpuite pawh Upa Benjamin Aitken-a te, Kasinath-a leh M. Khanai-a te an ni a. Pathianni chhuhnah lo thlengin, Liankunga khua Mualvum kai - Kutbul lui chhuahah Mualvum khaw mipa naupang pariat vel lo awmte hnénah Bible milem te semin; Pathian thute an hrilh a. Hei hi Mizorama Mizote beng hriata Chanchin Tha hrilna hmasa ber Synod Inkhawmpuiin a pawm chu a ni.

Synod Inkhawmpuiin Missionary, Mizoram leilung rap hmasa a pawm dan: Kum 1894, January ni 11 khan Pu Buanga (Rev. J.H.Lorrain) leh Sap Upa (Rev. F.W Savidge) te Mizoramah an lo thleng a. Hemi ni hi hun rei tawh tak ata kohhranten Chanchin tha thlen ni ah kan lo hmang tawh thin. Kum 1994 khan kum 100-na tiin Gospel Centenary pawh kan lo lawm tawh nghe nghe a.

Hun a lo kal a, chik zawka zirna a rawn awm chho zel a. "Missionary ten leilung an rahna hmasa ber chhui chian ni rawh se" tih Tlawng Presbytery atanga lo lut chu Synod Inkhawmpui 2007 Gen.64-na chuan tih chian tha a ti a. Synod Executive Committee (SEC) bawhzuiah a dah a. SEC 217:29 (13-15, February 2008) chuan Research and Evaluation Wing (REW) chhui chian turin a dah ve leh a. REW chuan theih tawp chhuahin chhui chian hna a thawk nghal a. Thuziak hlui te zawng khawmin, mimal kawm ngai te kawmin, Sairang leh Changsil lamah te zirin an kalchill zel a.

SEC 219:68 (November 11-13, 2008) chuan a chhui chianna chu Synod Inkhawmpui a thlen leh a. Synod Inkhawmpui 2008:103 chuan 'SEC-in lo chhui chiang lehzuah sela, Synod-ah rawn thlen leh rawh se' tiin thu a dah leh a.2 SEC 222:29 (February 17-19, 2009) chuan 'Synod duh dan ang hian Research & Evaluation Wing-in rawn chhui

chiang leh sela, SEC-ah rawn thlen leh rawh se' a ti a. SEC 224:10 (November 10-12, 2009) chuan Research & Evaluation Wing-in an chhui chianna chu pawm tlaka ngaiin rawtna nen Synod-ah a thlen leh ta a.

Synod 2009 chuan SEC thu thlen angin; 'Rev. William Williams chuan March 15, 1891 (Pathianni)-ah Kutbul lui kaih Mizote hnénah Pathian thu a hrilh a, March 16-ah Changsil a thleng a, ni 2 an cham a, kein Sairang an pan a, March 20, 1891-ah Sakawr chunga chuangan Aizawl an lut' tiin a pawm ta a ni (Synod 2009:75).

March ni 15 kan hman tan dan tak chu: Kum 2012-a Synod Inkhawmpui Chanmari Kohhran Biak Ina neih chuan Zorama Chanchin tha thlen ni atan March ni 15, 1891 a pawm ta a (Synod 2012:22).5 A kalpui zel dan tur erawh SEC kutah a dah a. SEC 244:12 (February 26 – 28, 2013) chuan Chanchin tha thlen ni atana March ni 15 kan pawm chhan sawifiahna Booklet siam ni sela, Kohhran tinah sem darh ni se, OM (officers meeting) in ruahmanna siam se a ti a.

SEC 246:8 (September 3-4, 2013) chuan Kohhranin Synod Holiday-ah puan ni se; chawhma leh Zan inkhawm thupui ruahmanin; a Ni hman dan tur chu Nilai zan Thupui Bu-ah a kimchangin tarlan ni se a ti a, a kum leh 2014-ah chuan Nilai leh Beihruah thupuih hrilhfiahna nen thupui neiin a rawn chuang ta a ni.

Wawin hian chanchin tha lo thleng thar rawh se: Chanchin tha chu a lo thleng tawh; a va lawmawm em! Kum 100-na hial pawh ropui takin kan lawm tawh e. Chu chanchin tha – min chhandamna thu, mi sual tana mi fel a thih tak thu leh a thawhleth thu te, chumi azara chhandama kan awm tak thu leh amah anga thanglian deuh deuh tur kan nih thu te; ring lo te hnena chanchin tha hril zel tur kan nih thu te lo ri thar leh sela.

Isua'n kan tisa ang a put laia a ngaihpawimawh em em; tanpui ngai, riangvai te hnena chanchin tha hril tura Lalpa Thlarau mit tihvarna leh a thuan chakna chu i nunah a thleng ve tawh em? Chutiang mi chu kan velah, kan bul hniah hian tam tak an awm asin. Ram pawn vei thull chuang si lovin ram chung kan vei thar a ngai a, Isua'n mamawh zawkte hnena luanchhuah a duhna rilru hi kan chhungkuaah a lo thleng thin em? Kan khawtlang leh kohhranah chu chanchin tha lo thleng zel sela; chu chu kan nunah pangpar angin lang chhuak rawh se.

*"Aw Pathian, Nangman Chanchin Tha min pe,
Lawmthu kan hrilh che – a zarah
Halleluia! Amen"*

February 2026 Finance Report

Bial	Pathian Ram	Ramthar	Tualchhung	Biak In	Chhawm-dawlna	Krismas & Kumthar	G. TOTAL	Ip Sem zat	Ip lut zat	Ip lut %	Ip lut lo
1	1,05,950	50,500	80,400	39,150	10,100	11,350	2,97,450	42	38	90.48%	4
2	63,700	35,730	66,530	17,200	7,180	10,150	2,00,490	42	37	88.10%	5
3	58,500	39,425	54,150	24,650	8,485	12,550	1,97,760	38	36	94.74%	2
4	1,19,150	69,650	1,52,200	61,700	16,250	18,100	4,37,050	50	41	82.00%	9
5	1,11,760	71,000	95,723	1,23,890	18,190	13,030	4,33,593	44	44	100.00%	0
6	73,800	38,300	54,020	25,550	8,400	10,300	2,10,370	46	41	89.13%	5
7	62,800	35,150	54,350	26,800	10,950	9,400	1,99,450	32	30	93.75%	2
8	59,050	40,250	43,300	37,080	10,380	10,550	2,00,610	42	37	88.10%	5
9	92,290	35,050	39,000	42,350	12,400	10,950	2,32,040	43	42	97.67%	1
TOTAL	7,47,000	4,15,055	6,39,673	3,98,370	1,02,335	1,06,380	24,08,813	379	346	91.29%	33

Punna / Kiamna

Thawhlawm hmuh zawng zawng	: ₹ 24,08,813	-56,371
Thawhlawm Ip lut lo zat	: 33	33
Dan zawhkim Pakhat thawh zat	: ₹ 1,699	
Synod sum lut zat	: ₹ 11,62,055	10,54,728
Tualchhung	: ₹ 7,42,008	7,42,008

KOHRAN NEWS

Field Secretary, Upper Assam Mission Field, Dibrugarh atanga Kraws sipai Laimekuri Pastor Bial a Telijan khuaah Kraws sipai chawmsak tura ngenna chu Kohran Committee in a ngaihtuah a, April 2026 - March 2027 chhungin thla khatah cheng ₹4000/- (sangli) a chawm turin a ruahman.

SACRAMENT DEPARTMENT CAMPING REPORT

Ni 12 - 14 March, 2026 chhungin khan Sacrament Department Camping chu kan kohhran ah tuang taka neih a ni a, Speaker atan Pu CMS Dawngkima, Jeriko Operation Team-te rawih niin, zirlai hmingziak zawng zawng 37 an lut kim thei a ni.

Sermon Inkhawm te, Tawngtai & Infuihna thusawi te, Bible chang zir te, Sakramen zirlai zir te, counselling class te, bethel te, Bible games te, awareness period te, tawngtai inhruai te, inkhawmkhawmna te, Praise & Worship te a hun hman a ni a. Tisa leh thlarau ah hlawkna nasa tak changin Inrinni tukthuan eikham khan camp an chhuahsan a ni.

KTP NEWS

Luka Group : Sumtuak nana dry clean tur min petu te chungah group hruaitu te chuan lawmthu an sawi tak meuh meuh a ni.

BLANKET SUK

March ni 26, 2026 hian Branch KṬP ten sumtuak nan Kohhran Hall ah blanket an su dawn a, blanket suk man hetiang in:

Puan nuam	₹ 100/-
Single	₹ 200/-
Medium	₹ 250/-
Double	₹ 300/-

Faith Promise bialtu ten kohhran chhungkaw tinah blanket suk tur an rawn zawt kual mek a. Kohhran mipui ten blanket suk tur kan neih te suk tir turin kan inngen a ni.

MSSU AWARD DAWNG

Nl. R. Lalrengpuii
D/o Rev. Lalhmingthanga
Diploma Award (2000-2025)

PNI HUN RUAT

Hruaitu : Tv. Zoremthanga
Tantu : F. Lallawmawma, *Daniela Group*
Hla zira hun hman a ni ang.

CTG HUN RUAT

Hruaitu : Nl. H. Lalrosangi
Tantu : Joan Lalhlupuii
Hun Hmangtu : Tv. C. Lalremsiamia
Zai hruaitute : Lalrimawia, *Khuangpu*
Vanlalruatpuii, *Hlabritu*
Vanlalruatsaka, *Guitarist*
Lalvensanga, *Bassist*
H. Lalrotluanga, *Keyboardist*

CONTROL ROOM DUTY

(Ni 16.03.2026 - 22.03.2026)

1. Tv. Lalmuanzuala 2. Tv. Zoremthanga

NAUPANG SUNDAY SCHOOL HUN RUAT**PRE-BEGINNER DEPARTMENT**

Hruaitu : Nl. Olive Lalengzami, Leader
Tantu : Pi Zomuankimi
T. Khawntu : Emily Lallawmawmi, P-1
Elina Zonuntluangi, P-1
T. Hlantu : Pi K. Lalfanliani, *Zirtirtu*
Hun hmangtu: Pi J. Lalbiakchhuangi, *Zirtirtu*

BEGINNER DEPARTMENT

Hruaitu : Nl. Vanlalhruaii, *Leader*
Tantu : Nl. Ramdinpuui
T. Khawntu : Jediaiah Laldilchhuaha, *M - 4*
Barbara R. Lalrohluai, *H - 4*
T. Hlantu : Pu Lalruatsanga Renthlei
Zirlai 10-na : *Kan u leh nauten min duat*

PRIMARY DEPARTMENT

Hruaitu : Pu Lalchangliana, *Leader*
Tantu : Nl. Vanramsangi
T. Khawntu : R. Vanmawsawmi, *P-6*
Vanlalvenhima Khiangte, *P-12*
T. Hlantu : Nl. C. Lalhruaizeli
Zirlai 10-na : *Josua*

JUNIOR DEPARTMENT

Hruaitu : Pu C. Lalhriatpuia, *Leader*
Tantu : Jason VL Thafamkima, *P-3*
T. Khawntu : Vanlalchhanchhuaha, *P-9*
Ruthi Lalliantluangi, *P-12*
T. Hlantu : Dr. Christina Lalnunfeli
Zirlai 10-na : *Ennawwna*

INTERMEDIATE DEPARTMENT

Hruaitu : Pu John Lalhmingmawia, *Leader*
Tantu : Laldintlunga Renthlei, *M - 2*
T. Khawntu : PC Lalrinpuui, *H-3*
Malsawmsangi, *H-3*
T. Hlantu : Nl. Laldintluangi
Zirlai 10-na : *Juda-te kut chi hrang hrang*

SACRAMENT DEPARTMENT

Hruaitu : Pu PC Zosangliana, *Leader*
Tantu : Remsangki Renthlei, *H - 3*
T. Khawntu : Mesak Zonuntluanga, *M - 2*
Kenedy Lalhriatkima, *M - 3*
T. Hlantu : Tv. Stephen Lalbuatsaiha
Zirlai 10-na : *Lalpa Zanriah Sakramen*

SENIOR DEPARTMENT

Hruaitu : T. Upa Robert Vanlalhruaia, *Supdt. NPSS*
Tantu : Lalrautsanga Tlau, *P-5*
T. Khawntu : Zoremhlui, *P-11*
Lalhmingmawii, *P-11*
T. Hlantu : Pu Lalrinfela, *Secy. NPSS*
Zirlai 10-na : *Timothea*

TUN KAR ZAI HRUAITUTE

Pu H. Lalhmingmawia (Leader) - *Khuangpu*
Pu Lalramliana - *Khuangpu*
Dr. V. Vanneitluanga - *Khuangpu*
Pu Christopher Ramnunmawia - *Khuangpu*
Tv. Lalzawngkima - *Pianist*
Tv. Lalruatpuia (PTSS) - *Pianist*
Nl. R. Lalrengpuii - *Hla briltu*
Pi .Rosie Lalbiaksangi - *Hla briltu*
Nl. H. Lalmangaihi - *Hla briltu*